

KONTRATË THEMELIMI E SHOQËRISË

“M & S Partners Law Firm”

Sot më 13.02.2023 Anëtarët Themelues:

1. Ina Serjanaj, e bija e Agim dhe Aida, e datëlindjes 29.10.1990, lindur dhe banuese në Tiranë, identifikuar me ID me nr. personal J06029051C, madhore, me zotësi të plotë për të vepruar.
2. Agron Malaj, i biri i Hasan dhe Floreta, i datëlindjes 05.11.1978, lindur nw Fier dhe banues në Vlorë, identifikuar me ID me nr. personal H81105055F, madhor, me zotësi të plotë për të vepruar.

Të dy së bashku, me vullnetin e tyre të lirë dhe të plotë, të shprehur nëpërmjet kësaj kontrate “M & S Partners Law Firm” themelohet si shoqëri e thjeshtë, bazuar në dispozitat 1074-1112 të Kodit Civil të Republikës së Shqipërisë.

Shoqëria është person juridik privat.

Ky akt rregullon pozitën juridike të shoqërisë, marrëdhëniet e themeluesve, të organeve të saj, llojin e partneritetit, kohëzgjatjen e veprimtarisë së saj, duke u bazuar në legjislacionin shqiptar në fuqi që rregullon marrëdhëniet juridiko-civile.

NENI 1

DISPOZITA TË PËRGJITHSHME

“M & S Partners Law Firm” themelohet si shoqëri e thjeshtë, bazuar në dispozitat 1074-1112 të Kodit Civil të Republikës së Shqipërisë.

Shoqëria është person juridik privat.

Emri i shoqërisë së thjeshtë është “M & S Partners Law Firm” (*më poshtë referuar si “shoqëria”*).

NENI 2

EMRI I SHOQËRISË

NENI 3

SELIA E SHOQËRISË

Selia e shoqërisë do të jetë në adresën: Bulevardi “Dëshmorët e Kombit”, Kulla nr. 2, Kati 7, Zyra 15, Tiranë, Shqipëri.

Shoqëria mund të hapë degë, zyra përfaqësimi brenda apo jashtë Republikës së Shqipërisë në përputhje me legjislacionin shqiptar në fuqi.

NENI 4

OBJEKTI I VEPRIMTARISË

- Ofrimin e shërbimeve avokatore, duke përfshirë por pa u kufizuar në: Përfaqësim në procesin penal, civil, familjar, tregtar, administrativ, ose të ndonjë natyre tjeter që mund të mos përfshihet në këto tri kategori, në çdo shkallë të gjyqësorit, brenda ose jashtë vendit, pranë gjykatave ndërkombëtare ose çdo organizmi tjeter, pranë të cilit Republika e Shqipërisë ka aderuar, si dhe përfaqësimi në procedurat e ndërmjetësimit ose të arbitrazhit.
- Dhënie ndihme juridike e ndërmjetësime për zgjidhje juridike me mirëkuptim e jashtëgjyqësisht të konflikteve të natyrave të ndryshme.
- Dhënie ndihme juridike për negocimin, hartimin. Lidhjen dhe zbatimin e kontratave civile, tregtare, administrative, dhe për çdo lloj tjeter të veprimeve juridike.
- Ofrimin e çdo lloj konsulencë te personat fizikë dhe juridikë. Vendas dhe/ose të huaj, publikë dhe/ose provatë si shoqëri tregtare, organizma tregtarë qeveritarë, organizatat joftimprurëse, fondacionet, institucionet shtetërore, ministritë, departamentet qeveritare dhe autoritetet publike dhe në veçanti konsulencë në lidhje me çështjet organizative, administrimin e biznesit, menaxhimin, marketingun, konsulencë për taksat dhe tatimet, si dhe planifikimin e përgjithshëm të tyre, burimet njerëzore dhe konsulencë e përgjithshme për shoqëritë që veprojnë në sektorët e biznesit dhe të industrisë brenda kufizimeve të parashikuara në ligj.
- Vlerësimin e zhvillimeve të tregut brenda dhe jashtë territorit të Republikës së Shqipërisë si dhe ofrimin e shërbimeve të përshtatshme të informimit për personat juridikë dhe fizikë të interesuar, vendas dhe të huaj, ashtu siç mund të kërkohet prej tyre.
- Konsulencë për administrimin, shitblerjen, dhënen me qira të pasurive të luajtshme dhe të paluajtshme, të veprave civile, tregtare, industrial, publike apo private, duke përfshirë por pa u kufizuar në: ndërmjetësim për kryerjen e veprimeve të mësipërme midis personave juridikë privatë apo publikë, vendas apo të huaj, dhe personave fizikë marketing, ekspertizë shitje, menaxhim prone.
- Kryerjen e çdo lloj aktiviteti tjeter që ka lidhje të drejtpërdrejtë ose me jo me përbushjen e objektit të sipërpërmendor të shoqërisë.

NENI 5

REGJIMI JURIDIK I SHOQËRISË

Shoqëria udhëhiqet nga parimet e ekonomisë së tregut dhe ka për qëllim, mes të tjera, fitimin.

Shoqëria organizohet në formën e shoqërisë së thjeshtë. Veprimtaria e saj i nënshtronhet dispozitave të Aktit të Themelimit, Statutit si dhe dispozitave të legjislacionit në fuqi.

Me vendim unanim të mbledhjes së Asamblesë së Anëtarëve, shoqëria mund të ndryshojë regjimin juridik të saj në përputhje me dispozitat ligjore që do të janë në fuqi si dhe në përputhje të plotë me dispozitat e Aktit të Themelimit dhe Statutit të saj, duke bërë dhe përshtatjen e tyre sipas ndryshimeve përkatëse.

PJESA II

NENI 6

TË DREJTAT DHE DETYRIMET E ANËTARËVE

Anëtarët themelues kanë këto detyrime:

- Të regjistrojnë shoqërinë pranë QKB-së.
- Të derdhin kapitalin e nevojshëm për fillimin e aktivitetit të shoqërisë.
- Të sigurojnë mjetet e nevojshme për fillimin e aktivitetit, infrastrukturën e nevojshme, etj.
- Të sigurojnë kushtet për specializimin e pandërprerë të personelit ndihmës, të sistentëve, gjithnjë në funksion të rritjes së nivelit dhe cilësisë së veprimtarisë së ushtruar nga ana e shoqërisë.
- Të menaxhojnë marketingun dhe reklamën nëpërmjet mjeteve të ndryshme të informacionit.

Anëtarët mbajnë përgjegjësi për humbjen deri në kufirin e kapitalit të investuar.

Pasuritë e krijuara nga shoqëria gjatë aktivitetit të saj janë në pronësi të Anëtarëve, në raport me kapitalin themeltar të investuar prej tyre. Pasuritë mund të tjetersohen, jepen me qira, dhe të lihen peng në hipotekë me miratimin e Mbledhjes se Asamblesë së Anëtarëve.

Anëtarët Themelues si dhe të gjithë anëtarët që do të pranojen si të tillë pranë shoqërisë duke përfshirë edhe bashkëpunëtorët e saj, detyrohen të ruajnë sekretin e themelimit dhe të veprimtarisë së shoqërisë.

Të punësuarit dhe të ngarkuarit me menaxhimin e shoqërisë mbajnë përgjegjësi dhe detyrohen që të zhdëmtojnë shoqërinë për dëmet që i janë shkaktuar për faj të tyre gjatë ushtrimit të veprimtarisë së tyre.

NENI 7

KOMPETENCAT E ANËTARËVE

Anëtarët kanë të drejtat e mëposhtme:

- Të administrojnë aktivitetin e shoqërisë konform objektit të veprimitarisë së saj.
- Të administrojnë vlerat e saj intelektuale dhe ekonomike-financiare.
- Të informohen për rezultatet ekonomiko-financiare në çdo fazë të aktivitetit të saj.
- Të marrin pjesë vetë ose me anë të përfaqësuesit në këtë aktivitet.
- Të tërheqin të gjitha dokumentet kryesore të shoqërisë.
- Të largohen nga shoqëria dhe të shesin pjesën e kapitalit në bashkëpronësi në përputhje me kushtet që lejon statutet dhe ligjet.

Anëtarët në përputhje me Aktin e Themelimit, me Statutin dhe legjislacionin në fuqi kanë të drejtë që në të njejtin kohë të zotërojnë kuota/aksione në shoqëri të tjera tregtare.

Anëtarët kanë të drejtë të paraqesin propozime për shqyrtim para organeve të shoqërisë si dhe të emërojnë/shkarkojnë administratorin, të punësuarit, etj.

NENI 8

DETYRIMET E ANËTARËVE

Anëtarët kanë detyrimet e mëposhtme:

- Të derdhin kapitalin e nevojshëm për fillimin e akticitetit të shoqërisë.
- Të sigurojnë mijediset e nevojshme për fillimin e aktivitetit, infrastrukturën e nevojshme, etj.
- Të sigurojnë kushtet për specializimin e pandërprerë të personleit ndihmës, të asistentëve, gjithnjë në funksion të rritjes së nivelit dhe cilësisë së veprimitarisë së ushtruar nga ana e shoqërisë.
- Të menaxhojë marketingun dhe reklamën nëpërmjet mjetave të ndryshme të informacionit.

NENI 9

KOHËZGJATJA E SHOQËRISË

Shoqëria e thjeshtë do të ushtrojë aktivitetin për një periudhë kohe të pacaktuar.

NENI 10

KUSHTET EKONOMIKE TË SHOQËRISË

Aktiviteti operues i shoqërisë bazohet në kërkesat e ekonomisë së tregut. Veprimitaria ekonomike ndërtohet mbi parimet e kontabilitetit dhe pasqyrohet në bilancet e saj.

NENI 11

KAPITALI I SHOQËRISË

Kapitali themeltar i shoqërisë është i përbërë nga kontributi i anëtarëve themelues në vlerën 1,000 (njëmijë) lekë.

Kuotat janë me vlerë nominative. Kapitali ndahet në dy kuota.

Dy kuotat e shoqërisë janë të ndara si më poshtë:

1. Znj. Ina Serjanaj në masën 50 % të vlerës së kapitalit themeltar.
2. Z. Agron Malaj në masën 50 % të vlerës së kapitalit themeltar.

Vlerësimi i kapitalit themeltar është bërë nga anëtarët themelues me rastin e themelimit të kësaj shoqërie dhe nënshkrimit të kësaj kontrate themeli, dhe është nënshkuar prej tyre.

NENI 12

TRANSFERIMI I KUOTAVE

Anëtarët mund të transferojën lirisht kuotat e zotëruara me një marrëveshje me shkrim.

NENI 13

ZMADHIMI DHE ZVOGËLIMI I KAPITALIT

Kapitali themeltar mund të zmadhohet ose zvogëlohet me vendim të të gjithë anëtarëve në përputhje me interesat e shoqërisë.

PJESA IV

NENI 14

ORGANET E SHOQËRISË

Organet drejtuese janë:

1. Asambleja e Anëtarëve.
2. Administratorët e Shoqërisë.

Mënyra e veprimtarisë së tyre është përcaktuar në kwtw statut.

Organi themelor i shoqërisë është Mbledhja e Asamblesë së Anëtarëve e cila mund të mblidhet në çdo kohë kur administratori/ët, ose vetë anëtarët e kërkojnë, duke lajmëruar 15 ditë përpëra me shkrim.

Mbledhja e Asamblesë së Anëtarëve vendos për të gjitha problemet, me përjashtim të atyre që është vendosur ndryshe nga statuti.

PJESA V

NENI 15

ADMINISTRIMI I SHOQËRISË

Anëtarët me marrëveshje ne përputhje me nenin 1080 të Kodit Civil bien dakort se:

Administrimi i shoqërisë do të kryhet nga një Administrator i cili do të veprojë i vetëm.

Administratori ka të gjitha të drejtat dhe fuqitë për drejtimin e shoqërisë, me qëllim që të arrijnë objektivat e saj, përveç atyre që ligji ia atribuon Asamblesë së Anëtarëve.

Administratori përfaqëson shoqërinë në marrëdhënie me të tretët si dhe para organeve të adminisratës dhe atyre gjyqësore.

Shoqëria merr përsipër detyrimet që rrjedhin nga aktet e organit administrative. Administratori është përgjegjës ndaj shoqërisë ose ndaj të tretëve për shkelje të statutit apo për dëme të shkaktuara gjatë administrimit të shoqërisë.

Administratori shkarkohet me vendim të të gjithë anëtarëve për shkaqe të justifikuara.

Personi i mëposhtëm emërohet administrator i shoqërisë për një periudhë 3 (tre) vjeçare, me të drejtë riemërimi:

Znj. Ina Serjanaj, e bija e Agim dhe Aida, e datëlindjes 29.10.1990, lindur dhe banuese në Tiranë, identifikuar me ID me nr. personal J06029051C.

NENI 16

KOMPETENCAT E ADMINISTRATORIT


Administratori ka këto kompetenca kryesore:

- Të miratojë planin e veprimtarisë së shoqërisë, dhe t'i paraqesë sipas rastit për miratim përfundimtar të Asamblesë së Anëtarëve.
- Të parashtrojë propozime përkatëse për Asamblenë e Anëtarëve, në lidhje me zmadhimin/zvogëlimin e kapitalit të shoqërisë.
- Të përfaqësojë shoqërinë në marrëdhënie me të tretët.
- Të përcaktojë strukturën organizative të shoqërisë dhe të krijojë organe të tjera të domosdoshme për realizimin e objektivave të shoqërisë.
- Të sigurojë zbatimin e përpiktë të vendimeve të Asamblesë së Anëtarëve.

PJESA IV

VITI FINANCIAR, BILANCI, FITIMI DHE HUMBJET

Neni 17



VITI FINANCIAR, PASQYRAT VJETORE FINANCIARE

Viti finansiar i shoqërisë zgjat 12 muaj dhe fillon ditën e parë të Janarit dhe mbaron ditën e tridhjetë e një-të të Dhjetorit. Viti i parë finansiar i shoqërisë fillon në datën e regjistrimit të shoqërisë dhe mbaron në datën e tridhjetë e një-të të Dhjetorit.

Në fund të çdo viti finansiar, administratori do të përmbushë detyrat e mëposhtme:

- Përgatitjen e një liste të detaujar të aseteve të shoqërisë dhe strukturën e tyre;
- Përgatitjen e bilancit të shoqërisë i cili përshkruan situatën financiare të shoqërisë;
- Përgatitjen e llogarive të fitimit dhe humbjeve.

NENI 18

FITIMI I SHOQËRISË

Fitimi neto i shoqërisë shpërndahet në përputhje me pjesët e kapitalit në shoqëri. Fitimi i realizuar do të shpërndahet midis anëtarëve themelues. Fitimi është lirisht i transferueshëm brenda dhe jashtë shtetit shqiptar.

PJESA VII

NENI 19

MBYLLJA E SHOQËRISË, LIKUJDIMI

Kur vendoset mbyllja e shoqërisë, Mbledhja e Asamblesë së Ortakëve cakton likuidatorin që realizon likujdimin e saj. Shoqëria gjatë likujdimit mban anash emërtimit edhe emrin "Shoqëri në likujdim e sipër". Me miratimin e likujdimit shoqëria i jep fund veprimtarisë.

Kur anëtsrët pa shkaqe të arsyeshme nuk vendosin për aktet e mësipërme, Likuidatori dhe çdo person i interesuar mund të kërkojë nga Gjykata përfundimin e likujdimit.

Aktet e përfundimit të likujdimit, së bashku me llogaritë përkatëse përfundimtare, depozitohen në QKB për çregjistrimin e shoqërisë.

PJESA VIII

NENI 20

TË PËRGJITHSHME

Mosmarrëveshjet për statutin dhe kontratën e themelimit të shoqërisë do të zgjidhen nga vetë anëtarët me mirëkuptim dhe kur kjo nuk arrihet ato zgjidhen nga gjykata kompetente.

Gjykata kompetente për zgjidhjen e mosmarrëveshjeve është Gjykata e Rrethit Gjyqësor Tiranë.

Ky statut do të hartohet dhe nënshkruhet në 4 (katër) kopje.

ANËTARËT

AGRON MALAJ

Agron Malaj


INA SERJANAJ

Ina Serjanaj
